

على العموم اسلامي مطالعه ايدركن. اونی. منتسبي اولان ملتريك حال و ماضينده درين ايزلر آجش مدنيت مخصوصه بي حائز، مذاهب مقتديه دن احتياجات و طبيعت بشر و كائنات ايله اك زياده قابل تأليف، علوم مثبتة ايله اك آز منازع بردين كچي تلقى ايتليدر. متبحريني علوم و فنونجه مصدق اولان مدنيت و دين اسلامك بو خصوصيات ميمزه سيلاه قابل تأليف اولمايان يولده اقوام اسلاميه بي ايدرولتك، هم غير قابل و هم ده ناطيبي و مضر در.

مسلمانلر، تاريخ بئرك و تاريخ بشرك كنديلرينه احضار و اراء ايتديكي استقباله، متوجه اولمليدر.

قرالقمزده كي مسلمانلري - بالخاصه تورك مسلمانلريني - اك زياده اشغال ايتسي طبيعي اولان مسئله، مكتبلرينه نه صورتله - مادي و معنوي - شرائط بقا و ترقى تأمين، و بونلري ناصل توسيع و تزويد ايله جكلريدر. جيد، سالم و زمانى برتحصيل و تربيه آلاچق اولان شبان و انسالمز، بزم - هر خصوصده - محافظه و تقويه حقوقزه اك قوى سائق و ضامن اولاجقدر. بزه، صاغلام فكرلى، صاغلام وجودلى، قوى روحى و قوى سجيلى شبان و انسالى احضار ايده جكني، و مشعله تنور و تربيه بي اك هجرا و پست طبقات جمعيتمه ايصالى صالح اولاجقنى وعد ايتيان معارف و مكاتب تشكيلاتى، ده دوغروسى تشكيلاتسزلى، بويوك حسرانلر مذك باشليجه مولدى اولاجقدر.

سلامت استقبالمزك ايپ اوجى مكاتبزده در. شرائط ترقيمز اوراده دو كومه نيرسه ديكر خصوصيات ايله تنظيم اولونا بيله جكنه اعتماد ايتمه مليدر.

آين دينلر مذك سربستى اجراسى، اوقاف مذك تأمين حسن اداره و ترقيسى، محاكم شرعيه نك بقا و استقلالى، دولتمزك منابع رفاهندن حقمن نسبتنده اتقاعمزي، مكلفات حكومتى ديكر وطنداشدر مژدن فضله سنى مجبوريت اذا ايله ذبون قالماملقمزى، عائله بشريه نك و دولتمز سكنه سى جمعيتك برعضو نافع و متفعي اولمازى، على العموم حقوق و وظائفمزي مدرك و اوكا بحق صاحب اولمازى احضار ايده جك آنجق معارفز، مكاتبزدر.

بزم روح موجوديت و ترقيمز مكاتبزده در. مكتبلرمز، بزي، عائله

مليه و دينيه مژه صادق، جمعيت بشريه ايچون نافع و مستحصل، دولتمزه محب و فداكار، جمله ترقيات بشريه بي تمثيل و تكمله صالح، تربيه و تنميه بي تكفل ايتليدر.

بارسده منعقد صلح قوتفرانسك، ايچلرنده بزم قرالقمده اولمق اوزره، برقاج دولته امضا ايتديريله جك اولان مقرر ائدن بريسي ده، بر دولت حدودى داخلنده متمكن ملل قيله جماعتلرينك معارف و مكاتب ده لسان مادر زادلريني استعمالى، تشكيلات و مؤسسات خصوصيه مليه و دينيه لريني محافظه، حتى دوائر حكومتله لسان ميللري اوزره مناسباتده بولغلري وسايره حقلى، جمعيت ملك تحت تكفلنده اولاجقندن، بويله مكتبلره طبيعي حقمنله برابر قانونى مساعده و موجوديتمزي محافظه، استقبالمزى انكشاف ايچون شدتله لزومز واردر.

بو مسائلى ايجه تقدير و اوكا استحقاقى درجه سنده عطف دقت ايتكله جمله مز مدعو و موظف، و بلفراد مذاهب نظارت مذك بو خصوصده كي تصورات و تشيقاتى كال اهميت ايله تعقيب و ترصد ايتك باشليجه بورج مژدر.

— ۳ —

بزم قرالقمده كي مسلمانلر - اكثريت لريله - اسلاو و تورك عائله مليه لرينه منسوب درلر. بوملتريك مضبوط و قوى لسان و ادبياتلري، عنفات و خصوصياتى واردر، بونى تقدير ايتك لازمدر. بوسنه - هر سك ويكي بازار قطعه لري مسلمانلري اسلاو عائله مليه سنك، صرب، خروات لسانى بيلدكلري و قونوشدكلري لسان مادر زادلريدر. بو لسان و ادبياتندن معاملات دنويه لري و مكتسبات فكريه لرنده استعانه ايتمه لري طبيعي و قيصه يولدر. بوسنه - هر سك ده دينى - وقفى و معارف خصوصياتنده بر تشكيلات و تنسيقات واردر. بونك احتياجات حاضره و مستقبله يه تأليفاً توسيع و اصلاحى، ويكي بازار سنجاغنه تشميل ايحاب ايدر.

بالقان محارب سنده صربيا يه الحاق اولونان - يكي بازار سنجاغى مستثنا - ممالكده متمكن مسلمانلر ك آنا لسانلري يا توركجه و يا خود توركجه ايله الفت و انيستلري يك قويدر. بونلر ك تورك لسان و ادبياتندن استفاده ايتمه لري لازمدر.

بوحوالده دينى - وقفى و معارف امورينك، مضبوط و مصدق، تشكيلات